



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita P. Balthassaris Alvarez, Societatis Iesv Religiosi

**Puente, Luis de la
Coloniae Agrippinae, 1616**

§. II.

urn:nbn:de:hbz:466:1-42916

in & conuersatione tua erga proximos: quare ab illis verbis abstinete, quæ vel irâ, vel impatientiâ, aut turpitudinem redoleant; prauas Societates euitate, quæ sunt proborum morum venenum.

H V I V S M O D I consilia ac documenta tradebat iuuenibus; quos vt recollectiores seruariet, magisque piè addictos ad Virginem sanctissimam redderet, valde fouit eius Congregationes, quæ tunc erigi cœperunt in hac Prouincia; & Villæ-Gartiæ vbi studia hæc valde florere cœperunt, ipso ibidem Rectore, assignauit illis Sacellum quoddam templi nostri; in cuius superliminari scribi curauit sententiam illam ex Proverbijs: h *Multa filia congregauerunt sibi diuitias: h Prou. 31. 29* tu supergressa es vniuersas. Valde ego mirabar affectum eius ac deuotionem, quæ huic rei attendebat, cum aliâs grauissimis alijs occupationibus grauaretur.

§. II.

E ODEM Zelo studuit etiam promouere munus tradendi pueris rudiq; plebi doctrinam Christianam: quod Pater noster S. Ignatiustanti fecit, vt, ne abiret in obliuionem, aut contemneretur, voluit nominatim eius fieri mentionem in Votis solennis Professionis. Et constituit, vt Rectores Collegiorum primo muneris sui anno per dies quadraginta Christianâ doctrinam traderent, pro bono subditorum, qui in eo Collegio sunt, exemplo, & ad sanctum hoc Exercitium magis excitandum; & ipsis Professis idem fuit constitutum: vt intra primum Professionis annum per quadraginta etiam dies illam traderent,

rent, pro bono initio eius quod in Professione sua obtulerunt. Quae omnia illi fundamento in- nituntur: quod huiusmodi puerorum instructio maximi sit momenti: quam ob rem etiam san- *Sess. 24. c. 4.* ctum Concilium Tridentinum Episcopis com- misit, ut curarent in singulis Parochijs saltem Do- minicis & alijs festiuis diebus, pueros Fidei Ru- dimenta doceri.

Hoc itaque Zelo permotus P. Balthassar, ma- gni faciens hoc ministerium, ipsemet (praecipue cum esset Villa-Gartia) prodibat multis diebus Dominicis ad vesperam cum pueris scholae Paro- chialis, & studiosis Collegij, cantando doctrinam Christianam per plateas, aut iuuentutem ipsam ordine suo deducendo: & in ipso foro, aut ad por- tam alicuius Ecclesiae valde suauiter pueris pro- ponebat, eosque interrogabat doctrinae Christianae membra: ex quibus occasionem sumebat sermonem & exhortationem faciendi ad confluentem ple- bem. Obseruaui autem ego cum interdum illum comitarer, semper aliquod admiscere punctum de amore Dei, & Perfectione pro ijs, qui ei obtaen- da studebant: aderant enim semper aliqui tales in illo Auditorio. Hoc ipsum etiam praestabat in itine- ribus, cum in aliquib. locis aliquantulum hereret. Cum Prouinciã Aragoniae visitasset, transiens per suã patriam Cerueram, paucis diebus, quibus in ea est commoratus, exhibat cum campanula in manibus per plateas, ut pueros colligeret, & Christianam doctrinam eos doceret, quod cum in loco illo nouum valde & inusitatum esset: omnes, qui illu- nouerant, mirabantur: quod vir a deo grauis, offi- cium exerceres a deo humile: quod tamen ipse nõ
humi-

humile, sed excelsum valde iudicabat: ideoq; illud exercere non dedignabatur. Quare eò liberius illud etiam alijs commendabat, vt magna cum diligentia illud obirent, & ita singulis septimanis semel ad scholas puerorum accedebat, & Villagartix mittebat nos binos ac pedites in diebus Dominicis ad vicinos pagos, vt inde ibi exerceremus: vt sic antiqui, & Tyrones ad Exercitium ad eò sanctum valde afficerentur.

CAPVT XXV.

PROFECTIO EIVS ROMANA,
 & fiducia in Deum, qua se ad eam disposuit,
 diuinamq; Prouidentiam, &
 Angelorum custodiam
 expertus est.



VM P. Balthassar esset Collegij Metinensis Rector, electus est Anno 1571. in Congregatione Prouinciali Procurator huius Prouinciæ, iuxta morem Societatis: quo singulis triennijs eligitur aliquis quatuor Votorum Professus, qui sit tot Religionis, Prouidentix & experientix dotibus ornatus, vt Prouincia tota meritò possit illi sua negotia committere, vt præsens possit cum Patre nostro Generali ea tractare; ac deliberare, an necesse sit Generalem Congregationem cogere ad vniuersale totius Societatis emolumentum, cumq; ipse aliquor